

Na osnovu člana 66. Zakona o porezu na dodatu vrijednost ("Službeni glasnik BiH", broj 9/05, 35/05 i 100/08), člana 127. Pravilnika o primjeni Zakona o porezu na dodatu vrijednost ("Službeni glasnik BiH", broj 93/05, 21/06, 60/06, 6/07, 100/07 i 35/08), te člana 8. Instrukcije o postupku uvođenju posebne šeme dužnika ("Službeni glasnik BiH", broj 35/08), šef Grupe za prinudnu naplatu RC Tuzla rješavajući po službenoj dužnosti donosi

## **RJEŠENJE**

1. UVODI SE POSEBNA ŠEMA DUŽNIKA ANĐELIKA-MB d.o.o. za proizvodnju, promet i usluge adresa/sjedište firme: Brezik bb, Kalesija, ID broj 4209551120008, PDV broj 209551120008, za dug po osnovu poreza na dodatu vrijednost u iznosu od 344.605,72 KM.
2. Porezni obveznik-dužnik je obavezan da u svoje fakture unosi slijedeću klauzulu: "Iznos PDV-a naveden u ovoj fakturi plaća se Upravi za indirektno oporezivanje s pozivom na PDV-ID broj 209551120008".
3. Primalac isporuke-kupac, plaća iznos PDV-a direktno Upravi i to do 5. u mjesecu za prethodni porezni period. U istom roku primalac isporuke je dužan dostaviti Upravi za indirektno oporezivanje listu s podacima za prethodni porezni period za poreznog obveznika-dužnika prema kojem je rješenjem uvedena posebna šema, lista treba da sadrži slijedeće:
  - Iznos zadržanog PDV-a
  - Identifikacioni broj isporučiooca dobra ili usluga
  - Identifikacioni broj primaoca dobra ili usluge koji je zadržao iznos PDV-a.
4. Posebna šema se primjenjuje od dana objavljivanja u "Službenom glasniku BiH".
5. Dužnik nad kojim se uvodi posebna šema ANĐELIKA-MB d.o.o. ID broj 4209551120008, PDV broj 209551120008 Brezik bb, Kalesija, obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno s uvjerenjem o registraciji za PDV.
6. Žalba ne odlaže izvršenje Rješenja.
7. Ovo Rješenje će biti objavljeno u "Službenom glasniku BiH" i u tri najčitanije dnevne novine.

## Obrazloženje

Grupa za prinudnu naplatu RC Tuzla po službenoj dužnosti, na osnovu činjenica utvrđenih u postupku prinudne naplate duga i porezne kartice dužnika „Anđelika-mb” d.o.o. započela je postupak uvođenja dužnika u posebnu šemu radi obezbjeđenja naplate duga po osnovu poreza na dodatu vrijednost evidentiranog u programu Alice u iznosu od 344.605,72 KM. Dužnik je počev od maja 2009. godine do dana donošenja ovog rješenja podnosio prijave samooporezivanja u kojima je iskazivao poreznu obavezu, koju nije izmirio, kao niti obaveze utvrđene razrezom dodatne obaveze po kontroli.

U postupku prinudne naplate poreza na dodatu vrijednost dužniku su za sve porezne periode izdati nalozi za prinudnu naplatu, koje dužnik nije osporio, a nije izvršio nijednu uplatu duga, radi čega je temeljem odredbe člana 45. Pravilnika o provedbi zakona o postupku prinudne naplate indirektnih poreza ("Službeni glasnik BiH", broj 21/06) dana 26.04.2007. godine izdat nalog za pljenidbu cjelokupne postojeće i buduće imovine dužnika.

Saglasno odredbi člana 13. Zakona o postupku prinudne naplate indirektnih poreza u BiH ("Službeni glasnik BiH", broj 89/05) nije bilo moguće vršiti pljenidbe novčanih sredstava dužnika na blagajni, a na računima otvorenim kod banaka zaplijenjena su sredstva u ukupnom iznosu od 653,93 KM. Dužnik nije vlasnik nepokretne imovine, pokretna imovina zaplijenjena je od UIO čijom prodajom bi se onemogućilo daljnje poslovanje dužnika. Pljenidbom dužnikovih potraživanja umanjeno je dug dužnika za iznos od 228.153.00 KM.

Kako se kod glavnog dužnika dug kontinuirano uvećava, a istovremeno ništa ne preduzima u cilju izmirenja duga, stekli su se uslovi da Grupa za prinudnu naplatu saglasno odredbama člana 66. stav (3) Zakona o porezu na dodatu vrijednost i člana 127. stav (1) Pravilnika o primjeni Zakona o porezu na dodatu vrijednost započne postupak uvođenja posebne šeme dužnika „Anđelika-MB” d.o.o. za dug u iznosu od 344.605,72 KM po vrsti i periodima kako slijedi:

Red. br.	Period duga	Broj naloga za prisilnu naplatu	VRSTA DUGA			Ukupan iznos duga
			Glavni dug	Naknadni teret prisile	Kamata	
1	0810	02/6-1/II-16-16-153-3302/2010	3.015,00	271,50	991,00	4.277,50
2	0811	02/6-1/II-16-16-153-3309/2010	203,00	20,30	63,00	286,30

Red. br.	Period duga	Broj naloga za prisilnu naplatu	VRSTA DUGA			Ukupan iznos duga
			Glavni dug	Naknadni teret prisile	Kamata	
3	0812	02/6-1/II-16-16-153-3316/2010	547,00	54,70	160,00	761,70
4	0901	02/6-1/II-16-16-153-3322/2010	481,00	48,10	132,00	661,10
5	0902	02/6-1/II-16-16-153-3327/2010	809,00	80,90	208,00	1.097,90
6	0903	02/6-1/II-16-16-153-3333/2010	102,00	10,20	24,00	136,20
7	0904	02/6-1/II-16-16-153-3339/2010	2.646,00	264,60	581,00	3.491,60
8	0905	02/6-1/II-16-16-153-3344/2010	25.450,32	196,40	5.614,00	31.260,72
9	0906	02/6-1/II-16-16-153-3348/2010	29.410,00	382,00	5.599,00	35.391,00
10	0907	02/6-1/II-16-16-153-3351/2010	27.445,00	238,00	4.529,00	32.212,00
11	0908	02/6-1/II-16-16-153-3353/2010	29.207,00	137,00	4.276,00	33.620,00
12	0909	02/6-1/II-16-16-153-3358/2010	725,00	72,50	93,00	890,50
13	0909	02/6-1/II-16-197-10159/09	30.357,00	3.035,70	3.898,00	37.290,70
14	0910	02/6-1/II-16-16-153-3362/2010	1.753,00	175,30	192,00	2.120,30
15	0910	02/6-1/II-	15.752,00	1.575,20	1.730,00	19.057,20

Red. br.	Period duga	Broj naloga za prisilnu naplatu	VRSTA DUGA			Ukupan iznos duga
			Glavni dug	Naknadni teret prisile	Kamata	
		16-197-11240/09				
16	0911	02/6-1/II-16-16-153-3367/2010	749,00	74,90	69,00	892,90
17	0911	02/6-1/II-16-197-11569/09	23.934,00	2.393,40	2.197,00	28.524,40
18	0912	02/6-1/II-16-16-153-3372/2010	174,00	17,40	13,00	204,40
19	0912	02/6-1/II-16-16-153-454/2010	33.715,00	3.371,50	2.448,00	39.534,50
20	1001	02/6-1/II-16-16-153-1707/2010	23.037,00	2.303,70	1.258,00	26.598,70
21	1002	02/6-1/II-16-16-153-2642/2010	18.976,00	1.897,60	717,00	21.590,60
22	1003	02/6-1/II-16-16-153-454/2010	12.505,00	1.250,50	240,00	13.995,50
23	1004	02/6-1/II-16-16-153-454/2010	10.897,00		13,00	10.910,00
<b>UKUPAN DUG</b>			<b>291.889,32</b>	<b>17.871,40</b>	<b>34.845,00</b>	<b>344.605,72</b>

Na osnovu člana 3. stav (3) Instrukcije o postupku uvođenja posebne šeme dužnika Grupi za reviziju i kontrolu RC Tuzla dostavljena je inicijativa za kontrolu poreznog obveznika s aspekta procjene kategorija iz člana 5. iste Instrukcije,

Kontrolom koja je obuhvatila sve porezne periode od 01.01.2006. do 31.12.2009. godine utvrđene su činjenice koje nesumnjivo ukazuju na potrebu i opravdanost uvođenja posebne šeme ovog dužnika, a posebno iz slijedećih razloga:

- prema bilansu stanja na dan 31.12.2008. godine dužnik ima imovinu-osnovna sredstva u vrijednosti od 776.971,00 KM,
- prema bilansu uspjeha za period 01.01.-31.12.2008. godine iskazan je gubitak dužnika od 55.036,00 KM,
- prema stanju na kontu kupaca iskazan je promet na dugovnoj strani u iznosu od 4.076.058,82 KM, a na potražnoj strani u iznosu od 3.196.520,29 KM iz čega se može zaključiti da je dužnik imao značajan priliv novčanih sredstava u 2009. godini, a najveći dio od preduzeća Prerada i promet mlijeka d.d. Tuzla,
- u momentu obavljanja kontrole obveznik ima zaključen ugovor o suradnji s preduzećem INMER d.o.o. Gradačac,
- prema podacima iz glavne knjige dužnik na dan 31.12.2009. godine ima trenutno obaveze po dugoročnim kreditima u iznosu od 594.964,00 KM. kao i po kratkoročnim kreditima u iznos od 144.918,00 KM,
- prema svojim dobavljačima dužnik ima obaveze u iznosu od 1.468.053,49 KM, a ukupna potraživanja od kupaca u iznosu od 879.538,53 KM.

Na osnovu utvrđenih činjenica saglasno odredbama člana 6.stav 1., a primjenom člana 8. stav 1. Instrukcije o postupku uvođenja posebne šeme dužnika Grupa za prinudnu naplatu RC Tuzla je dana 16.04.2010. godine dostavila dužniku ANĐELIKA-MB d.o.o. pismo namjere broj 02/6-1/II-07-1-7/09-1 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne obezbijedi adekvatnu garanciju za plaćanje duga, kako je propisano odredbom člana 128. stav 1. i 2. Pravilnika o primjeni Zakona o porezu na dodani vrijednost. U pismu namjere dužniku je ukazano na obaveze koje mu se stavljaju na teret uvođenjem u postupak posebne šeme, shodno odredbama člana 128. stav 3. Pravilnika o primjeni Zakona o porezu na dodatu vrijednost. Kako obveznik u ostavljenom roku nije uplatio dug ili obezbijedio adekvatnu garanciju za plaćanje duga, a dug se i dalje uvećavao u proteklih 30 dana odlučeno je da se na ovog obveznika primijeni posebna šema radi obezbjeđenja naplate duga.

Pri donošenju odluke o uvođenju posebne šeme dužnika Grupa je odlučnim činjenicama cijenila: iznos duga koji se neprekidno uvećava, iznose dugoročnih i kratkoročnih kredita i obaveza dužnika prema bankama i svojim dobavljačima u odnosu na njegova potraživanja, rizik naplate poreza na dodatu vrijednost od imovine dužnika, historijata ponašanja dužnika za sve protekle četiri godine. Kako je kontrolom poslovanja dužnika utvrđeno da isti ima zaključen ugovor o prodaji usljed koje će nastati i potraživanja, te da osim tih dužnik ima potraživanja od kupaca u iznosu od 879.538,53 KM, a koji iznos je veći od trenutnog iznosa duga indirektnih poreza, to je nespornim utvrđeno da je opravdano i neophodno uvođenje posebne šeme dužnika, pa je iz tih razloga odlučeno kao u dispozitivu ovog rješenje.

Shodno odredbama člana 128. stav 4. Pravilnika o primjeni Zakona o porezu na dodatu vrijednost, ovo rješenje će biti objavljeno u "Službenom glasniku BiH" i tri najčitanije dnevne novine, a isto je dužnik obavezan istaći u poslovnim prostorijama na vidno mjesto zajedno s uvjerenjem o registraciji za PDV.

Odredbom člana 137. stav 1. Zakona o postupku indirektnog oporezivanja ("Službeni glasnik BiH", broj 89/05), žalba ne odlaže izvršenje Rješenja.

**Pouka o pravnom lijeku:**

Protiv ovog Rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom taksirana sa 10 KM administrativne takse u skladu s tarifom Zakona o administrativnim taksama BiH ("Službeni glasnik BiH", br. 16/02, 19/02, 43/04, 8/06 i 24/06).

Broj 02/6-1/II-07-1-7/09-2  
17. maja 2010. godine  
Tuzla

Šef  
Grupe za prinudnu naplatu  
**Selma Salihović**, s. r.